


7. Plans e Programas



7.1. Preescolar na casa

Que é?

É un programa formativo de nais e pais que teñen nenas e nenos entre 0 e 6 anos co fin de axudar a desenvolver plenamente as capacidades das súas fillas e fillos a través da reflexión sobre o acontecer da vida diaria e do propio contorno físico e social.

Organízase preferentemente no medio rural e noutros medios desfavorecidos, intentando apoiar e dar seguridade ás familias na educación e crianza das súas fillas e fillos, nos primeiros anos de vida.

Cales son os seus obxectivos?

- Contribuír a crear na sociedade a cultura da parentalidade positiva.
- Crear unha conciencia da importancia do papel da familia á hora de apoiar o crecemento e desenvolvemento da nena e o neno, reforzar ou modificar actitudes, crenzas e prácticas de crianza.
- Contribuír a valorar a importancia da educación familiar.
- Contribuír ao desenvolvemento da cultura e da lingua galega.
- Potenciar o desenvolvemento das comunidades locais.

Como traballan?

Ás familias, ofrécelles:

- A chegar ao seu propio contorno, un servizo educativo, mesmo no seu fogar.
- A posibilidade de encontro con outras familias e dunha persoa orientadora para dialogar, reflexionar e analizar a vida cotiá e a súa influencia na educación das nenas e nenos.
- A posibilidade de descubrir e afondar no desenvolvemento das nenas e nenos, para comprendelos mellor e ter actuacións máis axeitadas.
- A posibilidade de descubrir, aproveitar e valorar os recursos existentes no contorno como elementos educativos.

- A posibilidade de establecer unha relación coas fillas e fillos máis lúdica.
- A potenciación do papel da muller.
- A posibilidade de acceder a diversos medios de formación/información.

Ás nenas e nenos, ofrécelles:

- O encontro con outras nenas, nenos e persoas adultas.
- Participar nun tempo organizado a través de actividades que ofrecen seguridade e permiten anticipar acontecementos. Potenciar o respecto ao ritmo interior de cada nena ou neno e contribuír a regular o ritmo exterior (orde, espazo e tempo).
- Un ambiente cordialidade e cooperación, prolongador da seguridade afectiva que representa a familia.
- Un achegamento a súa realidade, as súas vivencias, o tempo que se lle facilita o coñecemento do contorno, establecendo lazos afectivos con persoas diferentes ás da propia familia.

E a comunidade, ofrécelle:

- Un camiño cara o recoñecemento e o respecto da infancia, das súas necesidades e do importante papel que a familia ten na educación.
- Un espazo de comunicación, debate, reflexión, creación e potenciación para as persoas adultas, de educación continua e permanente ligada sempre aos procesos de desenvolvemento comunitario.
- A posibilidade de desenvolver actividades e proxectos comúns de diferente índole.

Atención e asesoramento

Fundación Preescolar na Casa

Tel.: 982.216.001

e-mail:correo@preescolarnacasa.org

<http://www.preescolarnacasa.org/blog>

7.2. Programas para a educación e o apoio familiar

Que son?

Son o conxunto de proxectos e servizos de apoio educativo e psicosocial dirixidos ás familias co obxectivo de detectar, previr e superar as situacións de dificultade, promovendo procesos de cambio que favorezan un axeitado exercicio das funcións familiares, así como a autonomía, a responsabilidade e a participación social das persoas, grupos e comunidades.

Que obxectivo ten?

A intervención social individualizada de carácter integral en núcleos familiares, especialmente con aqueles que se atopan en situación de dificultade social ou risco. Contemplando tanto actuacións socioeducativas e asistenciais, como de inserción sociolaboral, así como accións preventivas grupais e comunitarias contempladas como factores de protección ás familias e á infancia.

Como traballan?

Coas familias e as persoas que as integran:

- Acompañamento e orientación nos procesos de cambio dos seus modos de xestión dos problemas cotiás, incrementando as súas expectativas de futuro e facilitándolles o acceso aos recursos comunitarios.

A nivel grupal:

- Abordaxe de temas do seu interese, como os límites e normas coas fillas e fillos, autoestima e seguridade para a abordaxe de diferentes situacións, modelos de resolución de conflitos,...Promovendo as competencias das familias e potenciando un desenvolvemento óptimo da vida familiar e social.

A nivel comunitario:

- Coordinando actuacións cos recursos e servizos da comunidade, motivando a participación e o compromiso dos diferentes axentes na mellora dos problemas sociais e do benestar das familias, e con outros recursos especializados, que interveñen nalgún aspecto da vida das familias, para favorecer unha resposta integral.

Como se articulan?

Os programas son desenvolvidos por persoal técnico especializado no traballo con familias, que forman parte do equipo de servizos sociais comunitarios dos concellos.

Atención e asesoramento

Os departamentos de servizos sociais dos concellos.

Secretaría Xeral de Familia e Benestar.

Subdirección de Inclusión Social e Cooperación coas Corporacións Locais: 981.545.631

Subdirección de Familia e Menores: 981.957.165

<http://www.familiasgalegas.org>

<http://traballoebeneficencia.xunta.es>

7.3. Programa de estadias de tempo libre para mulleres soas con responsabilidades familiares non compartidas

Que é?

Son estadias gratuítas, durante sete a dez días, en réxime de pensión completa, preferentemente entre finais do mes de xuño e principios do mes de xullo, para mulleres con responsabilidades familiares non compartidas acompañadas das súas fillas e/ou fillos entre 2 a 12 anos e con baixos niveis de ingresos.

Cal é o obxectivo?

Trátase de facilitarlles ás mulleres que teñan fillas ou fillos menores exclusivamente ao seu cargo un espazo e un tempo desligado da súa situación habitual e no cal poidan intercambiar experiencias a través da convivencia nun espazo de lecer.

Como se articula?

A través dunha orde de convocatoria anual onde se valorará unha serie de circunstancias persoais: número de menores/persoas dependentes a cargo, condición de vítima, renda, situación de desemprego, etc.

Atención e asesoramento

Secretaría Xeral da Igualdade: 981.545.351

<http://mulleresengalicia.es>

7.4. Programas de apoio a mulleres xestantes e/ou lactantes con fillas/os menores de tres anos.

Que son?

Son programas destinados ás mulleres xestantes e lactantes con fillas/os menores de 3 anos, en situación de posible vulnerabilidade social e/ou laboral e dirixidos a evitar a exclusión destas mulleres promovendo accións para o seu desenvolvemento persoal, familiar e laboral. Contemplan actuacións relacionadas con: a información sobre recursos para elas e para as súas fillas/os; o acompañamento social e apoio psicolóxico para superar as cargas emocionais que poida provocar a situación de embarazo ou maternidade; a orientación, asesoramento e busca de emprego activa; adquisición de competencias e habilidades cara á súa inserción no mercado laboral como a afrontar a súa situación persoal; así como medidas de apoio urxente complementarias.

Que obxectivos teñen?

- Potenciar a autonomía da mulleres destinatarias das accións, proporcionándolles apoio, asesoramento e acompañamento, respecto aos recursos aos que poden optar pola súa situación persoal, económica ou social.
- Favorecer a súa incorporación ao mundo laboral, posibilitándolles a asistencia a actividades de formación.

Como se articula?

Articúlanse a través dunha orde anual de convocatoria de subvencións para as entidades privadas sen ánimo de lucro, inscritas no Rexistro Único de Entidades Prestadoras de Servizos Sociais, entre cuxos fins estea a protección sa nais xestantes.

Atención e asesoramento:

Secretaría Xeral da Igualdade: 981. 547.397

<http://mulleresengalicia.es>

7.5. Programa de mediación familiar

Que é?

Enténdese por mediación familiar o procedemento de carácter voluntario dirixido a facilitar a comunicación entre os membros da familia, co fin de que xestionen por si mesmos unha solución aos conflitos que os afecten coa intervención dunha persoa mediadora, quen actuará de forma neutral, imparcial e confidencial.

Cales son os seus obxectivos?

- A procura común de solucións satisfactorias e duradeiras no tempo.
- Minimizar o custo emocional que todo conflito produce en todos os membros da familia.
- Restablecer e/ou mellorar as relacións, presentes e futuras, entre as partes en conflito.
- Evitar a instrumentalización dos demais membros da familia, e, en especial, das e dos menores.
- Asegurar a protección do interese superior da ou do menor e do seu benestar.
- Favorecer a responsabilidade parenteral compartida.

Como se accede?

As persoas interesadas deben presentar unha solicitude de designación da mediación familiar (anexo II do Decreto 159/2003, do 31 de xaneiro) e a documentación requirida aos efectos. Poderán presentala de xeito conxunto ou unha das partes, proporcionando os datos da outra parte para solicitar o seu consentimento.

Poderán elixir a persoa mediadora entre as e os profesionais inscritos no Rexistro de Mediadoras e Mediadores Familiares de Galicia. Se non hai acordo, será designada de oficio pola Secretaría Xeral de Familia e Benestar.

Atención e asesoramento

Secretaría Xeral de Familia e Benestar.

Subdirección de Familia e Menores: 981.957.165

<http://www.familiasgalegas.org>

<http://traballoebenefar.xunta.es>